

四庫全書

史部

# 欽定四庫全書

史部

硃批諭旨卷一百七十六之七

詳校官尚書臣德保

編修臣裴謙覆勘

總校官中書臣朱鈐

校對官典簿臣郭祚熾

謄錄監生臣帥應龍

欽定四庫全書

硃批諭旨卷一百七十六之七

硃批高其倬奏摺

雍正五年四月初四日浙閩總督臣高其倬謹  
奏為奏

聞鹽務事竊查閩省鹽務臣於去年八月內已將所查  
及臣擬次第料理情節具摺詳  
奏隨蒙

陳豫明奉差倉場聲名頗好朕初見其人原不甚取因  
聖恩將陳豫朋放授運使幫辦臣理已於今年正月內  
念伊係舊相之子又蒙朕如是任用自必奮勉圖報諒  
不致到任所有鹽法通身斟酌定為調劑章程之處臣  
大槩已經籌定尚欲與陳豫朋再逐一熟商務求  
尚未能除且從前行止多有不安處若是則何可傾心  
委任須當留心試用  
旨欽遵辦理抑臣更有請者鹽政事務臣現同署巡撫

臣毛文銓辦理新巡撫臣常賚伏乞  
常賚人原妥當鹽務堪以同辦具疏題請可也  
皇上命其與臣一同辦理臣不敢存絲毫避卸之念但

多一人商量斟酌事更周詳於鹽政有益臣謹仰

懇

聖恩謹

奏

覽

同日又

奏為奏

聞事竊據閩安副將魏大猷報稱有琉球國今年新來  
貢船將次到港等情所有迎伴各事臣查往例係

福州府同知衙門辦理適同知沈宗敘病故臣委  
閩縣知縣于沛署事并諭令詳細加意辦理隨據  
于沛稟稱琉球國入貢向來各衙門多有有規禮  
者自巡撫梅銷已經革除因同知係承辦衙門尚  
存有未革規禮銀二千四百兩

皇上天覆地載懷柔遠臣卑職不敢接受此項應行永  
革臣隨加獎勵諭令該縣將永裁規禮之處明白  
甚好  
說與琉球陪臣以免棍徒騙去又據管理海關知

府張无咎稟稱有管館之人亦尚存有未革規禮  
二百兩已經亦行裁革所有情節臣謹繕摺奏

聞謹

奏

外邦陋例自應裁革以示中華大體務令屬員真實奉  
行毋或稍違

同日又

奏為奏

聞事竊查閩省自雍正五年正月以來至三月盡間各處米價俱平人情俱安泉漳二府原擬二月開糶福興二府原擬三月開糶因此情形故尚未開糶今漳州福州興化三府俱於閏三月開糶泉州汀州二府於四月開糶其延建邵三府福寧一州米價甚平尚不用平糶至於現在平糶之價雖酌平減然不敢太賤先將情由出示諭明各處之民悉皆寂然惟省會人雜有以糶價不大減怨悵臣者



天

我君臣已經暗貼數張匿名帖其大意說臣糊塗市上米

價一兩二錢七八分而總督糶價一兩一錢六分

天地神

明似此無橫議付之一笑而已奚足挂於口齒

況是非真偽

比市米有倉氣不如市米新鮮價錢所差無

動初

幾百姓何苦去買倉米但臣以為平糶原係欲扯

平市價使之不驟長則民間自安非欲日日供給

百姓每餐之食用必令取資於官米也臣付之不

理今數日以來其言皆息情形安貼市上米價又

聞再福州府現今二麥皆已刈穫有七八分收成早稻  
於閏三月二十六七及四月初一等日得雨已栽  
插九分雨微不足十日之內再得雨更好興化府  
二麥有八分收成早稻栽插九分亦雨微不足十  
日內有雨更好泉州府二麥有九分收成天氣先  
早早稻栽插止有三分閏三月二十六七兩日得  
雨早稻已插有八分雨尚微不足十日內再得雨  
更好漳州府自三月下旬以來少雨早稻栽插無

幾閏三月二十六七兩日得雨甚大現栽插七分

閏三月初一日以後漳州米價昂長每石二兩五

錢因先前早稻難插之故又境接廣東潮州潮州

之米近來甚貴每石聞賣至四兩以外搬買漳州

深慰

朕懷憂閩之心今方稍釋矣

之米者亦多故漳州現雖二麥大收而米反長價

之氣

今經平糶又已得雨人情頗安詔安平和二縣民

所感而致當因此勸導之間時證病者頗多前因米貴臣恐知府料理不周

又現已委糧道李玉鉉等飛往料理平糶及醫藥

調治其延建邵三府雨水米價裁插俱甚好惟長汀上杭二縣米價頗貴臣已預備料理米穀皆有可以接濟再南澳一鎮其左營屬福建管右營屬廣東管地係潮州管其處米價甚貴臣前已運米三千石前往接濟伏思廣東米貴均屬

皇上疆土軍民多運南澳之米即可兼濟潮州臣又運米五千石已到大半行令總兵聶國瀚將兩營兵丁及民一體接濟平糶今又再行添撥前往惟是

聶國瀚物故深為惋惜現經有旨移調三鎮謝希賢人  
材壯聶國瀚忽報病故一時失去管辦之人臣已飛飭  
料理外再俟江南米到臣酌量或一萬石或一萬  
頗屬諳練朕再加以嚴訓將來可望大有成就  
五千石再行運往南澳雖該地兵民無多不用如  
許之米然南澳有米平賣其勢自然流通潮州亦  
可少補臣謹將情節繕摺奏

聞謹

奏

據奏運米南澳俾其流通等語但閩地最要不知充裕

若何如果本境既足又復兼濟隣省乃係極好之事其量力而爲之

同日又

奏為奏

聞事竊臣據臺灣府鳳山縣詳報訪聞得該縣黃機崙地方有謀匪之人隨經拏得黃萬楊全王裕黃日又續拏獲阮怨一名隨訊據黃萬等各供係黃六師招伊等為匪到半屏山取齊十二月二十五日

要打統領營並無旗號劄付去到時見沒有幾箇人害怕就跑回來了同夥有賴棟許鼎李天寶隨亦陸續拏獲等因又鳳山縣報據署諸羅縣關開因該縣陳日隆家被盜一案拏獲鄭國龍陳隆林居三名不認行劫自承曾往南路謀匪情節移解到縣訊據鄭國龍林居供有陳三奇為首招人往阿猴林謀匪伊等同去見人少就散回來了據陳隆供林居往招是有的並未同去等語又林居供

陳三奇已經諸羅縣拏獲供認行劫陳日隆一案收禁在監隨又移提到案訊據陳三奇供共約有十餘人推伊為首共商為匪招人要打統領營到阿猴林因人少各散同夥有徐龍鄭填林富蘇建王世龍興化四大慨陳老鄭合黃允併林居鄭國龍等語隨又拏到林富黃允亦經招認等因先後具詳到臣臣隨一面飛飭研究實情所有夥黨務行拏獲毋令走脫一面與署撫臣毛文銓商酌臺



灣不比內地此等姦匪既經拏獲應即時嚴處示  
衆則人人知警可戒將來隨會飭臺灣新任總兵  
陳倫炯臺灣道吳昌祚於文到日即速會同研審  
究出夥黨上緊嚴緝逐一務獲其為首主謀之人  
并為從情重者一經審明即請出總兵官

王命在於彼地當衆宣諭正法餘者仍牢固監禁俟臣  
等審擬具

奏完結去後續據臺灣鎮臣陳倫炯道臣吳昌祚會

詳內稱接到臣等會飭之文即將各犯首從實情  
究問明白已於閏三月十六日將為首之陳三奇  
當衆曉諭正法梟示其林居黃允黃萬三人相助  
此三犯亦當正法者  
為匪各處招人係為從情重者已當衆杖斃并遍

張告示曉諭外所有續獲之徐寧亦係為從情重  
之犯即當處死但此案未獲之人尚有應留質詰

務令盡數拏獲悉予正法斯種匪類何容姑息  
今暫監禁餘同夥之鄭國龍王裕等犯現在監禁  
候示其未獲之黃六師陳老等共一十四人現在

躡拏務獲等因前來臣隨批令將黃六師等一十四人務必竭力即速拏獲其案内夥犯止留徐寧林富王裕三人在臺候質餘犯俱即解省審結但此等之事嚴之於臨事尤當謹之於平時嗣後該鎮務飭營員將山僻之處輪流遊巡鄉鎮地方嚴查防範該道府督率各縣細編保甲嚴查姦匪勿飾虛文務有實際飭行在案再新任臺灣府縣蒙皇上天恩賞放自不日到省臣亦再面與備細詳說反

復勉勵令其竭力辦理一番當既懲之後又加以  
嚴防勤辦庶海外地方可期安靜臣謹將料理情  
節繕摺奏

聞謹

奏

更有諭旨俱批毛文銓摺內茲不重宣

浙閩總督臣高其倬鎮海將軍暫辦福建巡撫事  
務臣毛文銓謹

奏為奏

聞事竊

臣

等前奏拏獲臺灣北路水沙連社為首克番

骨宗等一摺奉有

硃批

臣

等謹凜

聖諭詳細思慮其北路之番雖經勦懲目前自然斂戢  
但不行周詳籌畫嚴密防範稍久仍恐滋事臣等  
現經行令臺灣鎮及該道府一面於要路設汛嚴  
防一面仍令熟商辦理之處臣等再加商籌容另

具

奏外又南路傀儡社番亦多焚殺之處前據巡臺御史索琳咨會亦應勦懲臣等隨行臺灣鎮道令細細酌量如山中三月間溪水不大尚可進去即速料理勦懲如春夏之間山溪水已大長難以進去即行嚴防俟秋冬再行辦理茲據該鎮道覆稱此時山溪水大難以進山應俟秋冬商酌勦懲但現在有傀儡突入阿猴社寮內殺死土番巴陵等四

名又入隔壁簷內殺死番婆二口查其住處離山  
口不遠且不須多兵即可剿懲應先行相機懲創  
等情前來臣等已行令酌量派員帶兵先為剿懲  
俟剿懲後再應作何料理防範之處容臣等再詳  
細籌畫另行奏

聞至於前獲之兇番骨宗等經臺灣道吳昌祚已委員  
押解到省臣等會同親審據各供骨宗為首出山  
焚殺過十餘次伊自殺過十人其餘係夥下之人

同殺者又阿密氏猫著一名雖供只殺過二人而  
領帶衆番焚殺數次共殺過二十六人情罪最重  
其拔思弄等十三人或供曾經殺過五人四人三  
人二人一人不等亦皆出山焚殺數次其水裏萬  
等五人雖供未經殺人然亦屢次同行臣等查楚  
省紅苗治罪之例伏草殺人再犯者不分首從皆  
斬立決骨宗等殺人不止二次應照此例擬罪完  
結尚覺罪浮於例但係生番雖經官兵追拏窮迫



無路可走始行投出仍係曾經報出之人應行援減然臣等細思骨宗阿密氏猫著二犯實係首惡若不即加嚴懲恐各番以為如此焚殺仍可不死則人人效尤又斷不可行臣等愚昧之見欲將骨宗猫著二犯仍擬立斬梟示押至北路番子山口原行兇之處正法示衆其拔思弄等十三人援減擬斬監候其水裏萬等五人照為從例枷責發落但係番人且放回必更滋事應留在省城永行監

禁除審擬之處另行繕疏具

題請

旨外理合先行具摺奏

聞謹

奏

辦理甚屬允協若照內地而論既有如此兇惡形跡悉當正法何可稍為末減但念若輩實與禽獸無二姑開一面之網可耳

雍正五年六月初四日浙閩總督臣高其倬謹

奏為奏

聞福省平糶情節事竊查福省今年正二三月以來雨水太多至閏三月四月缺雨各處早稻不能遍插福州府米價比前較長興泉汀三府及廈門金門銅山海壇各標鎮協營駐兵處所米價俱各昂貴漳州府米價更貴賣二兩一二三錢一石而南澳一鎮半屬福建半屬廣東米價尤貴俱賣三兩及

二兩七八錢一石此南澳一處尤為緊要臣於去冬今春陸續預撥米八千石穀一千八百石運往接濟近江南之米船已到又飛撥米一萬三千石行令各員不拘閩粵所轄一概平賣以濟民食今據各員稟報五月末南澳米價已減民情已安尚可剩有餘米臣隨飛飭不必急糶酌量存貯以備將來接濟其漳州府及興泉二府廈門金門銅山海壇各處臣先行令將臣前已經撥運到之江南

浙江買回米石及江西運來米石并浙江運來穀石即酌量平糶凡平糶各屬先儘用米石如米石用完再用浙穀之被海船潮徼過者其好穀留貯倉內不許動糶以備積儲去後隨江南截漕之米陸續運到臣亦隨陸續飛撥運往分頭接濟今據各屬稟報閏三月四月及五月之上半月百姓待米頗急買者甚多因官米發糶民間米價稍平近五月下半月以來早稻將收米價漸減百姓買米

者亦漸少各處民情俱皆安帖汀州一府不通海  
運臣由江西運米一萬石前往接濟今早稻將收  
米亦漸賤人情安靜福州府地方今年雖亦開糶  
然其米價始終未曾太貴民情甚安至延建邵三  
府今年不用平糶其各府各處到六月初間早稻  
刈獲平糶即可停止約算各處所糶止用米石不  
曾多用穀石即米亦未用完臣現在嚴飭加意收  
貯其臺灣府自三四月以來米價俱不平減所有

接濟泉漳之米臣除只令照往年之例運五萬石  
餘外俱盡停運現今福省平糶之事已竣各處極  
其安靜所有情節臣謹繕摺奏

聞謹

奏

毛文銓袒徇屬員通同蔽匿汝復為之容隱遮飾朕既  
庶知種種情弊則凡此番措置係為民耶抑為官耶果  
真平糶耶或巧移穀價貯庫耶總至於疑而難信矣早

知汝緣各屬虧空起見何至去冬今春朕為該省米穀枉費數月焦勞另有諭旨命楊文乾來閩面傳

同日又

奏為奏

聞早稻收成情形事竊照今年福建省閏三月四月頗為缺雨早稻栽插未遍泉漳二府更甚四月二十邊方得透雨泉漳及各府早稻皆遍行插種自四月末旬至五月初十日以内晴雨甚是適宜各處



早稻長發極茂目下漳州府之早稻已熟約有八  
九分收成興化府早稻約有十分收成泉州府早  
稻約有八分收成福州府早稻約有八九分收成  
惟福州府屬之侯官閩清二縣於五月十三四五  
六等日大雨如注山溪之水暴長數丈二縣內低  
下之田山水溢入田內稻子俱被水漫過頭數尺  
水退之後雖仍結實分數少減侯官縣收成約有  
七分閩清縣收成約有七分以上至延建邵汀四

府其地氣與福興泉漳不同早稻甚好現已結穗  
據民間約估云有九分以上收成但尚遲一月方  
得全熟此時難以確定惟邵武一縣因山水大發  
田稻有被衝壞者十停內有一停餘俱茂好其臺  
灣一府早稻亦熟約有八分以上收成現今福建省  
晚稻又將插蒔秧苗俱好田水充足所有福建省  
麥俱已有收今各府早稻又皆大熟臣謹將情形  
詳行繕摺奏

聞謹

奏

覽閩省早稻情形朕懷深慰

雍正五年七月初八日浙閩總督臣高其倬謹

奏為奏

聞事竊臣於在京

陛見之時面奉

聖諭臺灣地方緊要令臣到閩加意料理欽此欽遵臣

自到閩以來日夕察訪雖少有所聞不敢輕易舉  
行今經一年稍知詳細就臣愚昧所知以為臺地  
險要遠隔重洋全在文武得人方可治理妥協臣

查現在臺灣總兵蒙

陳倫炯亦恐未必勝任不得其人奈何  
聖恩簡放陳倫炯為人謹慎雖尚未見其料理之效但

比林亮操守謹嚴約束操練兵丁頗為盡心安平

一介武夫耳

協副將康陵自到任以來甚能刻勵著實嚴查偷

渡勉力辦理營伍澎湖協副將呂瑞麟甫經到任  
此人似好然亦難保始

終

尚未見其行事前在臺灣操守甚好極能管兵新

任臺灣府知府俞存仁過省時臣留伊十餘日詳

是乃上好之員

張廷琰才具平常湯啓聲稍優亦不見有所長斯二人

因汝薦舉所以錄用

聖恩准放臺灣彰化

知縣此二人向在福建居官俱好

諸羅縣知縣劉良璧新經調臺人頗勤慎鳳山縣

其人賢否前此未知

斯數人俱係循分供職之員授以方畧令其奉行或庶  
見現在臺灣之官似皆可以責成料理至臺灣地

幾可

若責成料理恐才力識見尚有未逮

方中緊要之事應行料理者如民人搬移眷口應

行酌定折徵粟石應改徵本色兵丁不敷防巡應

請酌添生童考試應取本地之人臣謹一事另繕

一摺具

奏請

旨遵行又查禁偷渡一事臣已得備細尚有須斟酌之

處容臣續行奏

奏

到候朕裁酌

聞又籌買倉粟及留心米價二節臣於盤查倉穀疏內

詳

奏其稽查換班之兵冒名頂替及防範姦宄之人無  
知妄為二節臣現在嚴查嚴防并與水師提臣藍

廷珍陸路提臣丁士傑總兵陳倫炯嚴密辦理并  
地方文武盡力查防一語談何容易  
飭地方文武盡力查防此外有田土一節頗係

地方根本之事而辦理極須詳細斟酌臺灣田土  
經界不清數目隱混者多有言宜加清丈者有言  
可以增額者臣雖屢飭查辦而原任知府孫魯等

清晰田土原係難事便委之新任數員辦理亦難免過  
才具短淺至今尚無頭緒茲臣已面與新任知府  
不及之失

俞存仁詳細說明令其徹底料理但海外之地若

是極

不籌畫至當至妥臣不敢孟浪輕言俟俞存仁到

臺將料理情形據其所見稟覆到臣臣再加籌想  
具摺奏

聞又番人焚殺一節此事情節中有數種一則開墾之  
民侵入番界及抽藤吊鹿故為番人所殺一則番  
社俱有通事通事刻剥番人憤怒之極遂肆殺害



波及隣住之人一則社番殺人數次遂自恃強梁  
頻行此事殺人取首誇耀逞雄臣再四詳思治番  
之法最先宜查清民界番界樹立石碑如有焚殺  
之事即往勘查若民人侵入番界耕種及抽簾吊  
鹿致被殺死則懲處田主并縱令擾入番界之保  
甲鄉長莊主如漢民並未過界而番人肆殺則應  
嚴懲番人臣已行令臺灣文武又與新府縣面說  
尤宜將百姓并生熟番夷分別清楚令其各務各業不  
令會同徹底查清隨其地勢或二十步三十步立

容混

雜斯為上策其間稍若不清則諸事叢生矣

碣刻字既定之後不許擅移尺寸界址既清則生

事之時係番係民稽查有憑懲處庶可得實至通  
事一節臣現在嚴禁嚴查又行令道府稽查各縣  
不許接受餽送濫以無妻子田房及行事不好之  
人僉充又令各縣嚴行查處通事不許刻剥番人  
胥役不許需索通事臣亦詳行細訪若各社可以  
不用通事臣即盡行革除更為清楚至應懲強梁  
之番如北路之水沙連已經懲撫現在嚴防調劑

南路之傀儡番亦應稍懲臣與總兵道府說知俟  
冬間水涸再行料理再臺灣風俗奢侈無度任意  
賭飲最應急加勸禁臣已嚴行示禁又與知府俞  
存仁詳說令其時時留心懲勸不可徒事故套此  
臣所已知臺灣之情節謹行詳細繕摺奏  
聞俟更查有緊要情節再行陸續具

奏謹

奏

閩省諸務未有要於經理臺灣者當再加延訪籌計以期永遠寧靜

同日又

奏為奏

聞臺灣人民搬眷情節事竊查臺灣各處居住人民多係隻身在彼向皆不許攜帶婦女其意以臺地遠隔重洋形勢險要人民衆多則良姦不一恐為地方之害近來閩省之人及曾經任閩各員條陳議

論多謂人民居彼既無家室則無父母妻子之繫  
久遠安居之心所以敢於為非若令搬眷成家則  
人人守其田廬顧其父母妻子不敢妄為實安靜  
臺境之一策臣因其說甚近情理隨反覆詳細詢  
訪籌思查得臺灣府所屬四縣之中臺灣一縣皆  
係老本住臺之人原有妻眷其諸羅鳳山彰化三  
縣皆新住之民全無妻子此種之人不但心無繫  
戀敢於為非且聚二三十人或三四十人同搭屋

縈共居一處農田之時尚有耕耘之事及田收之後頗有所得任意花費又終日無事惟有相聚賭飲飲酣賭輸遂致共謀竊劫若令各有妻子則內外有分不致雜沓紛紜且各顧養贍妻子則賭飲花費之事自減各顧保守家室則搶奪剽竊之志自消實為形格勢禁之要務就臣愚昧之見以為全不搬眷固非長策而一槩搬眷亦非長策請嗣後住臺人民若欲搬眷往臺其貿易雇工及無業

之人全無田地原非安土之輩驟不准搬外其開

墾田土實在耕食之人欲行搬眷者俱令呈明地  
照所議暫如此行看然亦非長策事事總須得人方能  
方官詳細確查實有墾種之田滿一甲并有房廬  
有濟

者即行給照移明該管地方官令其搬往仍查明

或將安插務期明晰至佃戶之中有佃田滿一甲住臺  
移眷之戶限以定數不許過額爾以為然否朕意  
經五年而業主又肯具狀保誠實不多事之人  
生聚日蕃墾田漸廣年歲久遠之後其利與害亦不可  
如有妄為甘與同罪者亦准其呈明給照搬眷前  
不熟計深籌也  
往查明著落業戶保領安插其佃田不及一甲住

臺未滿五年及雖佃田滿一甲住及五年而業戶不肯具保者一槩不准如此辦理似搬眷而往者皆將來耕田安分之家而就此一番確查又可以得其田產多少之槩并係何人下之佃戶設有犯法責有所歸查拏亦易似為有益至現在甫往臺灣求田耕種之人即係誠實現無田業亦應一槩不准帶眷前往以防生事此臣愚見所籌未敢遽行謹將情節繕摺奏



聞伏乞

皇上睿裁謹

奏

且試行之

同日又

奏為奏

聞臺灣各學寄籍諸生宜歸本籍事竊查臺灣府縣各學所有生童歲科二試歷來俱係臺灣道考試向

因臺地新闢讀書者少多係泉漳各處之人應試  
進學之後仍歸本處居住應試之時渡海而往試  
畢復回每人帶小廝一名給照前往日久弊生所  
帶小廝多係攬偷渡之人臣愚以為臺地昇平  
日久沐浴

教化生齒已繁文風漸盛何必偕才異郡既墮本地人  
才又滋偷渡之弊請嗣後歲科兩試應令道府各  
縣查明現住臺地有田有屋入籍既定之人方准

與考即就此內取進其泉漳各處寄籍之人一槩  
不許冒濫其從前已經進學之文武諸生俱查照  
各省呈明改歸本籍之例一槩改歸泉漳各處本  
籍之學考試則臺灣土著人才皆踴躍於上進之  
階而他處之人又不得借端滋弊似有裨益除容  
臣另疏請

旨外謹先將情節繕摺奏

聞謹

奏

爲此朕曾經降有諭旨冒濫之弊所當嚴禁者

同日又

奏爲奏

聞臺灣兵丁額少應籌變通劑事竊查臺兵孤懸海  
外地方緊要其近海一面除鹿耳門之外南北二  
路大小港口極多處處可通偷渡依山一面山內  
山外生熟番人錯處在在皆須防範一府四縣既

須駐兵而岡山阿猴林等處每易藏姦更須防守  
查臺灣鎮標三營及南路營北路營淡水營兵共  
五千三十名安平副將所轄水師共水兵二千五  
百名二共額兵七千五百三十名實在不敷汛守  
似宜添設以資防禦但臣思添設兵額既須詳籌  
糧餉且更當審度地方形勢實在必需此兵斷不  
可少并應駐劄處所一一籌畫詳細方可酌量添  
設除臣照會臺灣總兵陳倫炯詳加查酌又面與

悉心

籌酌

如必

應添

設亦

何可

惜費

費

新臺灣府知府俞存仁亦令細為查稟臣再行籌  
思調劑其現在應行籌酌者臣查臺灣鎮向無馬  
兵經御史禪濟布條奏改撥各營馬兵三百名自  
設立以來因臺灣水土與馬匹不甚相宜時常倒  
斃每年每營於定數大報倒斃外更有二三十匹  
之多兵丁皆於月餉內私行朋扣賠補頗覺苦累  
若臺灣必需馬匹亦不應以此即議更改無如臺  
地多雨春夏秋三時皆泥深水大馬無所用惟冬

間方能乘騎遠出而入山征番捕匪兵丁仍皆下馬步行於營伍不甚有益就臣愚昧之見若將所設之三百名馬兵裁去改為步戰兵三百名守兵四百名分入四十三營輪流添撥防臺比之舊額已多兵四百名而又不用增添糧餉其馬匹容臣此議甚屬合宜  
另籌妥協料理似於營伍有益總兵陳倫炯意亦相同除臣另行具疏外謹先將情節繕摺奏

聞謹

奏

覽

同日又

奏為奏

聞請將臺灣折色粟石仍行改徵本色事竊查臺灣府  
四縣原額每年徵收正供粟共一十四萬二百六  
十一石臺澎各營兵丁歲支米三萬六千石每年  
除歲支之外所餘粟石貯存各縣倉中年年存積



故從前倉粟存至三十餘萬之多後經巡臺御史  
禪濟布等

奏請每年止留徵粟七萬二千石碾米三萬六千石  
以供一年兵食再兼有倉粟三十餘萬石足支五  
年其餘粟石俱請改徵折色以充兵餉隨又經原  
任總督滿保復行詳查

奏稱臺灣共徵粟一十四萬二百六十一石請將六  
萬石改徵折色每石折銀三錢六分又請將番婦

丁口粟三千六百八十八石免其徵收每年實徵  
本色粟七萬六千五百七十三石以供兵食俱經  
准行在案此實因時制宜之法臣何敢自逞已見  
輒思更張但查臺灣情形與彼時不同向之存倉  
粟三十餘萬石歷年碾米運濟泉漳用去甚多尚  
未買補而年年定例碾米五萬石撥運泉漳即需  
粟一十萬石且更有旋補旋撥不能停留之勢近  
又加駐防臺地兵丁眷口米石每年需米一萬六

百五十石并各營兵丁歲支兵米三萬六千石二  
共需米四萬六千六百五十石需碾粟九萬三千  
三百石臺灣以現今每年實徵粟七萬六千五百  
七十三石計之是每年不敷粟一萬六千七百二  
十七石目前固動倉粟湊支將來必需購買放給  
既非經久之計而派徵每石三錢六分之折色以  
目下臺灣之米價計之亦難買購況臣細查所派  
改折之粟六萬石內止有鳳山縣八社番戶應納

粟五千六百二石零番人納粟言語不通未免受  
通事里胥之欺騙需索不如納銀之便其餘粟石  
俱係業戶完納而業戶每年有收租萬石數千石  
以及數百石者往往囤積擡價若免其交粟改徵  
折色則益增其囤積擡價之勢且臣愚昧所見更  
有不關臺地而亦宜因此一併籌畫者查福省水  
師各營每年兵米俱半本半折惟廈門金門之兵  
全支折色考其由來因當年米賤原提督施琅欲

使兵丁有餘故每石折銀一兩近廈門金門米價  
貴時賣二兩二三錢一石平價亦一兩四五六七  
錢不等兵丁以餉銀貼添買食頗覺稍難亦不可  
不籌久遠之計就臣愚見此折色之粟除番社粟  
五千六百二石零仍徵折色外其餘折色粟石請  
於雍正六年為始仍徵本色除支兵米及眷口米  
歲需粟九萬三千三百石外尚應餘粟三萬七千  
六百餘石查廈門金門提鎮標營共兵六千八百

零四名給以半年本色應米一萬二千二百四十  
三石有零應粟二萬四千四百八十六石有零可  
敷支給有餘其所省米折銀一萬二千二百餘兩  
亦可補支臺餉既可足臺厦之歲計兵食又可減  
業戶囤積之弊似有裨益除臣另疏請

旨外謹先繕摺奏

聞謹

奏

滿保禪濟布二人經手料理之事何足爲準耶

雍正五年七月初十日浙閩總督臣高其倬謹

奏爲預籌買米以備平糶事竊查福建福興泉漳汀  
五府及廈門金門海壇銅山南澳各駐劄水師官  
兵之處兵民稠密食米頗多至青黃不接之時米  
價頓昂每需米石平糶以資民食以平市價今年  
仰荷

皇上截留江南漕米十萬石浙江漕米易穀二十萬石

又浙省透運穀五千七百五十八石零又撥江西  
米現已運到者二萬四千七百石零又葛繼孔運  
到米四千五百四十八石源源接濟分撥平糶是  
以米價平減民情安帖茲當夏末平糶甫竣各處  
報數未齊約計米糶十之七八穀糶十之一二容  
臣確核石數糶價另行

題報外臣思閩省來歲平糶應於今歲預籌查通省  
現經盤查實貯穀共七十五萬九千餘石又加以



今年運來浙穀以之料理來年平糶足敷有餘但  
閩地之穀糶出則易買還稍難非帶潮潤年久難  
貯之穀不敢輕言發糶既不輕糶倉穀應思籌濟  
之法臣查江南漕米一項約糶價銀有七八萬兩  
臣愚昧之見請於八月間收齊此銀即在本省上  
游量買米石運省再委員赴外省年豐米足之處  
買運米石於冬底春初到江南海口趁北風運至  
閩省正值三月將糶之時與今年所餘江南截漕

米石一併分糶倘少有不敷再酌以倉穀中之確  
應出陳易新者畧行配糶即可接濟一則可減省  
平糶之倉穀再則舳舻相望民間米價不抑自平  
其糶出如有盈餘即行造冊

題報於來歲添買米石或充兵餉年年照此料理買  
得一分之米即省一分之穀且可平市價之頓昂  
似有裨益臣請自任辦理凡有虧空欺匿惟臣是  
問再遣員購運俱須及時臣謹一面量行先撥動

銀三四萬兩分頭辦買除臣另行會

題外謹將情節繕摺奏

聞謹

奏

買米濟糶固係極好之事即庸愚無識者亦知為善舉  
浙撫李衛現如此行但可少而不可多蓋得人最難虧  
空欺匿等弊安保其無若一味姑容之督撫恐未能實  
獲裨補爾擔荷此事責任匪輕朕不言不可行亦不言

必當行總在爾等斟酌妥確審擇有益無損而為之耳

同日又

奏為奏

聞事竊臣前奏鹽務摺內奉有

硃批伏查臣與陳豫朋係會試同年當時見其舉動甚

輕耽於逸樂甚有紆綯習氣後做員外時見其比

前謹飭近有十餘年不見今春到閩看其舉動老

成議論持重比往時不同茲同料理鹽務半年以

來細看居官尚未有敗檢之處但已稍有信任家人衙役光景凡所料理皆寬泛而不詳切籠統不中肯綮福省鹽務頭緒頗多規模未定必得一精明廉勤之鹽道時時查整處處籌畫方能使課額優裕民食充足以臣愚昧看陳豫朋料理鹽務久恐無益仰乞

皇上另簡賢員庶有裨補其陳豫朋或調回或調簡伏候

睿裁謹

奏

朕亦聞陳豫朋不勝此任已諭明楊文乾矣俟其抵閩後爾等會商擇本省相宜道缺調補可也

同日又

奏為請勻兵米事竊查福建通省陸路各營兵米每年俱係半本半折惟督標三營兵丁俱全年支領折色而延平協建寧協邵武營三處兵丁俱係全

年支領本色臣查延建邵三府米糧頗賤購買頗易省城米糧頗貴購買稍難而全折全本未免偏枯應酌勻支領臣愚昧之見請將延建邵二協一營之兵米亦照通省各營一體支給半年本色即將半年本色支給督標三營半年之食有餘而以督標半年之折色改給延建邵二協一營查此折色每石九錢所有延平一府米價較建邵二府稍貴應仍給以每石九錢其建邵二府米賤每石折

以八錢即敷買食而以所餘一錢勻為本色米石  
之運脚亦敷運送一轉移間則通省兵米皆一體  
半本半折而貴處賤處亦皆均勻於營伍有益臣  
未敢具

題謹先將情節繕摺請

旨謹

奏

朕不洞悉地方情形難以諭定行止



同日又

奏為奏

聞事竊照福建通省倉穀經臣

題請展限在案隨行布政司確查造報除行令各道府照例盤查外又委道員分行親盤并令各縣知縣隔屬互盤去後茲於本年六月二十八日據布政司沈廷正造冊并将捏報各員詳報前來臣查尚有起初交價輾轉流交未買各員未據查揭又

行飭查於七月初四日續據詳報前來其中尚有  
分晰未詳之處臣逐一再加細查覆核福建通省  
九府一州及同知通判各縣倉存貯官民監穀除  
漳州府知府耿國祚龍溪縣知縣魏彪已經

題叅且耿國祚欲買浙穀抵補顯有那掩不實其二  
處造報實存續補并未經買補共穀一十一萬九  
千六百三十五石俟委員同接署道府另加確盤  
并請嚴審追擬

題報外尚應存穀共一百六十八萬四千六十三石  
零除軍需用去賑給災民水漂及給天津駕船舵  
水食米共應銷穀六萬五千一百一十一石零尚  
應存穀一百六十一萬八千九百五十二石零內  
歷案虧空穀六萬一千六百四十石零應俟追完  
題報又借碾兵米穀九萬八百六十五石零秋後徵  
還仍存支給又平糶運浙借兵共五十四萬八千  
餘石未補外今查得已經委道府親盤及隔屬各

縣互盤據司冊開造原報實存暨續報買補共實  
貯存倉穀九十一萬八千四百五十石零臣覆加細  
核內原報存穀共七十五萬九千一百八十一石  
零查係實存其各屬現今續報買補之穀共一十  
五萬九千二百二十四石零難遽確作實存尚須  
覆盤至於從前各屬流價未買輾轉接受報作實  
貯之廳縣等員并扶同捏結之道府以及詳

題捏報實存穀石之巡撫藩司臣俱逐一查清現在

具疏

題叅請加嚴處再查臺灣正供稻粟向與地丁錢糧

一例

奏報不入倉儲項下臣以臺粟為數四十餘萬之多  
兵糧民食攸關不應以不係盤查之案放過是以  
一并清查茲據布政司沈廷正呈送臺灣道吳昌  
祚造報臺屬四縣清冊臣隨飭發核造去後續據  
該司造具清冊前來止據將臺屬應徵官莊糖粟

及糖廊蔗車各項已未完銀兩數目開造其正供  
稻粟管收除在四柱清數未據備造難以核

題 臣覆查雍正三年撫臣毛文銓

奏冊內開臺屬積年流存正供稻粟共實在二十八  
萬九千八百三十一石零存剩粟價四萬五千二  
百一十三兩細核臺灣道吳昌祚造送各縣之冊  
僅現貯粟共一十一萬二千七百餘石尚有未移  
交并未撥補及未買補各項粟石頭緒繁雜不清

且現貯之粟與

奏冊數目大相懸絕顯有虧空捏報情弊即所報現  
存之穀亦恐未實現在已飭委員赴臺催同新任  
臺灣府知府俞存仁徹底確盤容俟查盤到日核  
參

奏報理合一併奏

聞謹

奏

奏已遲矣總之爾以科甲二字耿耿於中善柔沽譽之病不除諸事朕皆疑而難信也

同日又

奏為奏

聞運到江浙各項米穀并分撥情節事竊查福省仰荷皇上聖恩截留江南漕米十萬石又截留浙江漕米十萬石易穀二十萬石又江西運到米二萬四千七百零一石又臣動鹽課銀五萬兩委員赴江南購



買楚米江米共二萬四千三百七十六石麥六千七百九十四石零運回閩省又動鹽課銀二萬四千兩購買溫州米一萬三千一百一石零穀一萬六千四百四十三石運回閩省又葛繼孔運到米五千六百五十五石零除江西運到米石數目業經

題明其撥還價腳銀兩俟解還日另行具

題所有運到江浙各項米穀臣俱隨到隨撥茲海運

可惜如此竭蹶經營運到之米穀止不過借平糶為名  
甫竣分撥甫畢謹將收到石數分撥處所臣另開  
代貪婪不肖各員填補虧空亦屬可笑事也  
清單恭呈

御覽外至於分撥各項米穀臣已屢飭各屬先儘米石

平糶即行解價其穀石之中如有原稍濕潤又經  
此說亦不可考

海船滲漏者酌行發糶餘俱加謹存貯不許輕動

糶餘米石小心曬晾存留以備接濟其一應撥還

浙江價脚及江浙買運米穀麥石價脚并自省再

撥運各處船脚入倉挑脚各價值并盤收折耗銀

無非

數石數臣現委查各處收到糶出數目及提解各

處

糶價銀兩

確數并米穀石數

統容

臣查齊造冊

外亦何益之有

臣查齊造冊

外亦何益之有

臣查齊造冊

外亦何益之有

題報送部查核又汀州一府孤懸肘外海運陸運俱

不能通惟通江西贛州府一路而米價常昂應籌

接濟臣動邵武縣存庫平糶穀價六千四百二十

九兩零又鹽課銀六百兩委邵武府廳撥動邵武

府倉先澤縣倉穀碾米三千四百石又赴江西買

米六千六百石共一萬石由瑞金一路運入汀州

接濟今據各員報稱米石俱已運到所有買運價  
脚及平糶石數銀數亦容臣查明一併造冊

題報送部查核謹附摺奏

聞謹

奏

知道了

雍正五年九月初二日浙閩總督臣高其倬謹

奏為奏

聞辦理鹽務情節事竊照閩省鹽務欽奉

聖旨令臣辦理今已一年謹就臣愚淺所知籌思料理  
調劑之處分條臚列為我

皇上陳之

一謹產地之收曬查福建省八場之中福清一場  
最大所產之鹽供西路十五縣東路八州縣南路  
二縣鹽資半省之食課居三停之二係第一緊要  
之場歷來私梟叢雜風習刁頑沿海則風帆倏忽

入山則細徑四通臣到任之時舊委通判王仁管

辦料理未協刁頑未戢臣隨改委建寧府同知任  
畧有頭緒恐未必然若如所奏情形任煥一人亦何能  
煥管理九月以來畧有頭緒查福清一場分五大  
爲

團四小團其曬鹽之法擇潮汐所到之地砌埧開  
埧每月潮有長退潮退之日方為爬土淋瀝曬鹽  
之期逢期俱宜晴不宜雨若遇小雨則瀉淡鹽止  
半產遇大雨則無瀉即無所產此福場產鹽之大  
畧歷來姦刁團曬人等彼此串通或賄囑場員將

無雨報為有雨小雨報為大雨掩飾隱匿私行偷  
賣既虧折正課又充斥行銷之地為鹽場第一大  
弊又場官書役填空日之票巡查哨兵不截票角  
容其重複影射走私而海船漁戶借醃醢之名串  
通偷載漏私一船則百餘人所不能肩負者揚帆  
裝去到處可通尤害課地管場同知任煥詳臣福  
場向止有團長十數人皆係積年匿私之徒隨做  
保甲之法添設團長八十名甲長四百二十名每

日令甲長查報曬丁所曬之鹽又令團長再查甲

長所報之鹽并有私賣及業主場棍與漁船私買

言之

殊美口聽之亦悅耳然非沽名釣譽善柔姑息之

督撫

皆令彼此稽查保報又令大小場員再加稽察如

有虛隱私賣曬丁與團甲一同懲處再又通查福

場大中小埕共五萬四千餘埕曬丁四千一十三

名將大中小埕每日所產之鹽一一秤較按埕坎

之大小計炎寒之天時合算細計即可約畧知此

日之所產而所報可以約計又營私巡役書團及



場棍痛行懲革於海港添設哨船以查各處漁船

莫被

販私臣又不時遣羅源營遊擊李蔭樾及臣標弁

兵於各團巡查嚴密拏緝棍徒刁習近已稍戢至

各曬丁之內其營私之處固必嚴懲然鹽之出產

全憑曬丁亦宜培植從前皆抑定曬價曬丁毫無

資身之利是以即大曬之時而情曬者仍多臣此

著是以云見小利則大事不成小人惟利是圖若不

價不抑定隨場中之時下情形令水客對曬平買

與以

脂膏沾潤徒欲以法繩之萬不能行

平賣又曬丁之產地多賣與富家而本身反為之

傭工所產之鹽大半入於業主曬丁少得些須此  
天下未有不能徹底料理之事在得人與否耳若不能  
事雖難以徹底令其歸還曬丁臣已嚴禁不許再  
料理徹底清楚嚴禁二字仍不過虛文而已  
賣近來走漏稍少所報頗多故今年福場所產之  
鹽算至八月所產比去年已多一十餘萬擔稍覺  
多產蓋緣多晴之故與嚴禁何涉

整頓惟各團之中俱無官設收鹽之倉一遇風雨  
即有耗折向係各團曬丁自蓋土室收藏零星散  
雜稽查不易必得酌定總要之處分行建設總倉  
令各團甲曬丁將日曬之鹽總歸此處場員親加

此說

乃端本正論若能舉行於事有益  
封鎖則出入之間既有一定歸總之處稽查容易

而雨濕水淹之患亦無則福清一場稍為整頓矣  
至莆田一場供莆仙二縣民食兼濟西東南三路  
之不足為福省次要之場敝壞更甚其場內分上  
下二里里內又分大小十團上里之曬鹽彷彿福  
場而下里則迥然不同係就地勢之高下築為坎  
埕開溝引潮水入於第一坎內曬水二日放入第  
二坎又曬二日放入第三坎至第四坎而成適然

後掘一極大土坑存貯滷水名為滷窟又從滷窟注滷入埕始曬成鹽而莆場之上里產鹽不多全倚下里之產以供民食查下里產鹽必得連晴十日甚至第七八日坎水方始成滷注入滷窟又得天晴從滷窟取滷注埕內方曬成鹽設在坎曬水之時一遇有雨則前工盡棄而滷水注窟乃一平地之坑一遇大潮即虞漫沒若遇大雨淡水一入滷即損壞曬丁費數日之工既難必鹽之成否已屬

不願而從前場秤稍重兼向來場價官定每擔八十文以及七十六十文不等較之福場其價極輕曬丁不獲微利而遇雨之時反又折本是以多別行傭工度日往往惰曬而各處埕坎壞損不修引潮溝道亦多堙廢曬丁雖較之福場稍淳然偷賣亦多臣將場鹽每擔酌加三十文又將場秤較準製發并委員整頓今各壞損可修之埕皆已修好引潮之溝現皆挑濬涵窟週圍厚令培土作為小

埂潮水不能灌入惟是涵窰皆係露天即用蓆片  
苫蓋海風力大隨勢吹去不能遮蔽一經下雨淡  
水攬入涵即無用故目下產鹽尚未能豐臣又令

鹽場

委員再四詳看籌計善法據稟必得各涵窰之上  
不止福建一省曬鹽不止莆田一場何獨此處有

如許

繁文耶朕謂斷無是理  
遮蔽臣現在籌酌設法修砌若涵窰修完雖曬水

之日必須晴霽而既已成涵之後注入窰內即無  
被雨折耗之虞而曬鹽之日縱使遇雨亦可收藏

仍屬

畫餅充饑之論

以俟天晴則莆場出鹽自必大勝平日至曬丁偷

賣捏報之弊

臣

令場員嚴查嚴禁又委標員帶弁

兵巡查偷捏漸少此莆田一場稍為整頓尚甚須

料理又潯美兩洲三場其產鹽亞於莆場內

兩洲

一場共分大小一十四埕經委建寧府通判

此處

邱光總管查巡甚勤辦理甚力此場頗為整頓其

兩洲一場共分十四團又附三小團其潯美場共

分大小一十三團此二場雖未能如兩場之清禁

未廢

弛者何事有產者何故

然向來規模未甚廢弛場鹽有產委管之小場員

亦為盡心近又委同知金瑛總管此兩潯二場亦

稍為整頓又惠安一場共分七館此場原係小場

所產不及各場現在辦理之小場員亦未能徹底

料理臣現另行委員又委金瑛總查料理此惠安

一場尚未見成效未為整頓臣不敢粉飾容臣竭

力料理必期妥協又漳浦一場分為東南二場其

東場委原任批驗所大使林昇遠管理頗能盡心



料理稍有頭緒場鹽亦為有產其南場因守備張  
標係舊熟之員委令管理事事廢弛場務既不能

有頭緒且近又欠少課費經臣

不早為查核業至課費欠少亦遲矣

題參現另選場員飭令調劑此漳南一場甚未整頓

又詔安一場內分一十三團又一小團其產鹽全  
係曬水與莆田之下里相仿產鹽頗難而歷來之  
廢弛實甚臣委原任知縣徐治民管理半年以來  
畧有頭緒尚未大見成效至臺灣之場舊日頗為

整理原任知府孫魯管理畧覺鬆廢今臣改委新  
任知府俞存仁料理此各場之情形係屬產地為  
鹽務根本其大段規模應籌酌久遠徹底整頓其  
零星弊竇應隨時逐事不時查懲臣料理一年雖  
今年產鹽之數現至八月盡已產鹽九十餘萬擔  
較之前年所產已多二十萬擔較之去年所產已  
多一項名為利藪焉能逐場盡得廉勤之員而用之  
多四萬擔其臺灣報至六月止已產鹽五萬餘擔  
朕謂全不在此只在總理得人但能使屬員咸知總督  
但調劑之處尚未為已經整頓容臣再竭力料理

係秉公執法有犯必究斷不姑容之大臣則諸弊除矣  
總之場地之產充裕則其源既豐其流自大此實  
若人咸謂總督係沽名釣譽不肯為國家任怨效忠  
辦鹽第一緊要之處臣務期必抵妥協以冀有效  
之大臣任兩日夜焦思百計千方籌畫無非徒自苦耳  
一謹銷地之責售查閩省之鹽向係商行以後改  
究屬何濟

為官賣兼行肩販近改為水客行銷亦兼肩販凡  
三變其法矣以大勢論之各處鹽法如兩淮兩浙  
河東長蘆兩廣皆係發引僉商乃鹽法之常經豈  
有便於五處獨不便於閩省之理何必又行官運  
又改水客但臣就現在閩鹽之情形籌酌將來料

理畫一之時自必歸於設商發引而後鹽法始成  
但目下閩鹽若不參用官運及水客行銷而拘泥  
成法即用商引則斷然不可蓋他處之商多外地  
饒富之人充當本大力厚行銷可倚而責成亦易  
閩省既無外地饒裕之商而本地之商又多本薄  
力弱之人即今充應水客者十分之中八分皆係  
舊商之家其力量俱甚微細若僉定商名給與引  
照必致所運短少上虧課費下乏民食臣愚昧之

得因

見明此三字可知毫無定見矣胸中既無主宰只

則一

循故轍依違目前以待後人料理耳

處或再加水客分認協運以濟民食內有誤

乏者則行斥草且官為暫時運濟再招殷實之人承充但官運雖屬可行而亦有難行之處蓋官運之法必須委員得人方不致以官力壓累病民如不過三數處得人尚易若至數十處則擇人甚難故現在西路東路南路興屬泉屬臣皆以水客運銷而以官運為接濟補救之用有場之處以肩販

為參行之人俟一二年之間細查各處水客有運鹽無誤課食二年如出一轍其人誠實而家道亦裕者

題明報部僉為商人以示鼓勵如此漸定俟各處俱定有確當商人之後再請發引以立成法庶為安

可笑

處朕實不勝批諭

協可以永行至於鹽觔行銷之數其情形又各不

同如東路則現今水客所行銷之數與雍正三四年行銷之數詳較無甚太多太少之異應即照

當日原定之數行銷再勤加催查俟可多行即令  
加運至南路則其數可增而現在水客行銷即原  
額尚不能副應再加調劑方能畫定目下亦止以

此乃自然之理原額行銷其西路則向日原額既少即毛文銓據  
自燃之理不妥協人何能行出妥協事來陶範所定所勻之額亦不妥協臣查從前鹽院行

鹽之時差僅一年止拘舊例在得課費如前其事  
已畢其舊案與額數俱不可為式臣將自雍正二  
三四年各處所行銷之數細開詳較通三年之行

運酌定課費於此外酌其屢銷之數又加溢額之  
鹽且暫定為一年試行之數又以一年之額分算  
為按月之額定為程限以此稽查水客之運銷鹽  
觔鹽道陳豫朋又按月將不及額者催運比限再  
不完者斤草另招其能踰額者臣又行令查明獎  
勵所有西路鹽蓬臣今又新加酌改加以溢額之  
數其興泉二屬現在亦照二三年所銷通算酌  
定擔數行銷惟漳屬一處陶範所定擔數全是徇



私勾派不公臣因舊商林萬興家道頗裕具呈充

認批准令充客行銷不期自充認以來止圖獨占

更屬可笑

謀利以致誤運現經批行革退仍用散客暫運而

令石瑪館委員兼以官運暫行接濟以裕課食其

行銷之數臣亦現以雍正二三年之數合算酌

定至各處鹽價隨意高下漫無成據臣俱令以水

客在場買價為定加以運脚之費詳細確核到省

之時鹽道填寫票上蓋印行到各州縣令各州縣

照價本脚費細核定價每斤止許水客得利一文

半又各處鋪戶龐雜棍徒擅占臣亦令各地方官

此等入殊不易覓

詳揀誠實者令其充當多餘之鋪戶及刁頑者草

退又存積鹽斤尤為最要蓋一年之內不能皆產

鹽之月亦無皆不產鹽之理惟多產之時任意銷

發及至無鹽之時遂缺民食要在設立鹽倉於多

產之時收存鹽斤若至缺產之時開倉接濟即可

使鹽價常平民食不缺但閩省水客力量不豐不

能多收多運查向來官運之時皆係官動場課之  
錢就場收積臣亦仍照前例酌於場鹽多產之時  
收買存積以備鹽缺接濟但向來存貯鹽場離各  
處既遠即運至省城而於上游乏鹽之時運濟逆  
流而上建溪陡險非一二月不能即到仍屬無益  
臣今酌於延建邵三府以府城為適中之地各建  
鹽倉於鹽不乏之時從容運往交知府總貯倉中  
遇鹽缺之時即撥各屬縣接濟庶運往既速而緩

急可恃至省城為各路之總匯臣亦於鹽倉廣行

收積以備接濟各處民食至水口為各處總路盤

斯議尚屬千慮之一得

鹽拏私月有存下之鹽向無存貯之倉臣亦令建

倉收貯至莆場及浯兩各場與石碼館臣今各令

閩省鹽政廢弛已極非毫無主見而能整頓者不過支

於多產之時多收備濟此於各銷之地臣所料理

吾數

行待之而已  
之情形其時時整頓臣現在隨宜辦理

一酌定鹽課之額數查福建鹽務自雍正元年以

前年徵課斤坵折等銀九萬四百六十一兩零雍

正二年奉准部文將鹽官各衙門所得公費及額解銅斤腳價河工等銀八萬二千二百一十兩一并徵收二共應徵課費銀一十七萬二千六百七十一兩零其餘額外溢行之鹽所獲銀兩造為盈餘銀兩報查亦同正課撥餉雖分三項實同一項今請仍前分為三項其課費二項即照定數作為正額其餘溢行之鹽所獲之銀數不能畫定惟上緊料理儘其所獲造入盈餘一同課費造報送部

核撥兵餉至西路十五處仍按蓬在場徵課銀一十三兩零運至瀛前盤帛再完公費一十四兩九錢零照舊徵收其餘各場俱照舊按擔徵課每擔錢一百五十文其石瑪館向係每擔徵銀二錢三分今應照各場一例徵錢一百五十文庶皆畫一無輕重難行之處至原任撫臣毛文銓所請水客於額外多運之鹽按擔減半只收公費之處殊為未協臣到任之時即皆不行并前多運者俱按擔

徵收課費一槩不免照常徵收外嗣後一切溢額多運之鹽俱照常徵收無庸減半又毛文銓辦理之時雖經

奏明向例有長價錢價票錢等項錢文以供各場官巡役薪水飯食公費賞賚等費今臣查歷年長價等項除支給外尚有餘剩銀兩頗多已令造入盈餘冊內聽候撥餉外嗣後長價等項仍應照徵以供各項給費又鹽道一官其薪水盤費亦應酌給

臣擬於長價之內每年支銀四千兩以資用度除各項給費之外所餘長價等項銀兩請每年歸入盈餘造報送部核查再鹽課銀兩若撥解部餉則有幫貼水脚銀兩應照數於長價等項之內撥給仍造明確數報部核查如無撥解之處即將長價等項支剩餘銀俱全造入盈餘數內以充撥餉一酌定辦理之人員臣查向時閩省鹽政設有運使運同經歷倉大使閩安司大使竹崎司大使等



員分管各務其各場則交各該縣及縣丞管理雍正二年悉已裁去嗣後皆遴擇同知通判暨地方佐雜各員委令辦理並無一定之員臣詳細試看設定一官不如不設官之便蓋鹽政辦理必須實能辦事廉幹之員方能有益而且一日曠弛在場地即缺一日之產在銷地即缺一日之課若擇員委用是在通省數十人內擇其賢否若設定一官專設與委用均屬一理惟在得人爾其酌量則是在此一人靠其賢否臣請嗣後除運使已經

題設外其餘辦理止用委員無庸另設

以上係臣現經酌定料理之處除臣另行具疏詳

奏恭候

睿裁外謹先行繕摺奏

聞再鹽務一事臣曾繕摺奏請

聖恩令新撫臣常齊與臣一同辦理非臣敢存分卸之  
好一面傳諭令其同辦一面具疏題請朕自降旨允准  
心實在頭緒紛紜多一人則又添一人識見商酌  
之益伏懇

皇上允准施行謹

奏

觀汝辦理諸務必先將兩邊情理論一精詳週圍弊效  
講一透徹方欲興此一利而又慮彼一害甫欲除彼一  
害而又不忍捨此一利輾轉游移毫無定見若是則天  
下無可辦之事矣夫人之處世如行路然斷不能自始  
至終盡遇坦途順境既無風雨困頓又無山川險阻所  
以古人多咏行路難蓋大有寓意存焉凡舉一事他人

之擾亂沮撓已不可當何堪自復猶豫疑難百端交集如蠶吐絲以縛其身耶世間事要當審擇一是處力行之其餘利害是非槩弗左盼右顧一切擾亂沮撓不為纖毫搖動操此堅忍不拔之志以往庶幾有成及事成後害者利矣非者是矣無知沮撓之輩不屏自息矣今汝則不然一味優柔不斷依違莫決朕甚憂汝不克勝任有關國家用人之得失也奈何奈何

雍正五年九月初九日浙閩總督臣高其倬福建

巡撫臣常賚廣東巡撫臣楊文乾謹

奏為覆奏本年八月內准兵部咨開內閣奉

上諭昔年曾奉

聖祖仁皇帝諭旨海外噶喇巴乃紅毛國泊船之所呂宋  
乃西洋泊船之所彼處藏匿盜賊甚多內地之民希  
圖獲利往往有留住於彼者不可不預為措置欽此  
隨經廷臣與閩廣督撫議令內地之人留在外洋者  
准附洋船帶回內地比時奉

旨准行在案此乃

聖祖仁皇帝綏靖海疆且不忍內地之民轉徙異域實仁育義正之盛心也但數年以來附洋船而回者甚少朕思此等貿易外洋者多不安分之人若聽其去來任意伊等全無顧忌則飄流外國者必致愈衆嗣後應定一限期若逾限不回是其人甘心流於外方無可憫惜朕意應不令其復回內地如此則貿易欲歸之人不敢稍遲在外矣將此交與高其倬楊文乾常

賚悉心酌議並如何定限年月處一併詳議具奏欽  
此又於八月十八日准內閣行文雍正五年七月  
初二日奉

上諭爾等所查康熙年間辦理海洋及臺灣各舊案著  
繕寫發與高其倬楊文乾伊二人現有料理海洋臺  
灣之事若有查考之處便於稽查欽此并奉到繕寫  
御覽奏摺一件臣等伏思欲嚴查從前留住彼國之人  
必先禁止現今偷往之弊查從前商船出洋之時

每船所報人數連舵水客商總計多者不過七八  
十人少者六七十人其實每船皆私載二三百人  
到彼之後照外多出之人俱存留不歸更有一種  
嗜利船戶畧載些須貨物竟將游手之人偷載至  
四五百之多每人索銀八兩或十餘兩載往彼地  
即行留住此等人大約閩省居十之六七粵省與  
江浙等省居十之三四臣等公同商酌嗣後凡出  
洋船隻俱令各州縣嚴查船主伙長頭舵水手并



商客人等共若干名開明姓名籍貫令族隣保甲  
出具切實保結再令同業三船連環互結該地方  
官一面給與印照一面加結造冊冊內逐名開寫  
年貌註明兩手箕斗申報督撫本府并報興泉道  
廈門同知提標中營叅將俾其照此查驗督撫再  
行委員坐口協同稽查如有報少載多及年貌箕  
斗不符者即行拏究保甲之人一并治罪回棹時  
照前查點如有去多回少先將船戶人等嚴行治

罪再將留住之人家屬嚴加追比或有意外事故務取隣船甘結通報存案後有發覺具結之人嚴言之似屬可聽但恐行與言未必能相符耳

坐其罪原詳之官一并叅處再飄洋船隻若令各

處就近出口難免紛雜隱捏之弊其閩省者總歸

廈門一處出口粵省者總歸虎門一處出口其別

此法

誠善

處口岸一槩嚴禁如有違禁在別處放船者即行

查拏照私越之例治罪如此庶往返皆有稽查不致存留外地矣至從前存留外洋之人臣等細詢

洋行人等或稱噶喇巴地方有萬餘人者或稱有數萬人者但彼處俱係蓄髮我國之人非照彼蓄髮不能久留其地噶喇巴米糧甚賤工藝之人易於獲利是以蓄髮居住婚娶生育竟不作故土之想間有欲回內地者剃頭逃歸呂宋係干西臘國之轄屬住居其地者毋庸留髮現在亦有數千人臣等思此項人去自何時無可稽考而訪聞傳說雖大畧相同究無實在確據必須遣員前往查探

焉有遺官之理  
明確方可定議舉行但遣官前往恐彼國之人聞

此人最為難得若在彼民人畏罪避匿或一時未能遵行  
亦未可定臣等擬密遣幹練之人充作貿易洋商  
將多事及不達時務之流輕率遣往則一到彼國其驚  
惶情狀殆有甚於遣官者矣詳審擇人為要  
朕非欲必令此輩旋歸也即盡數旋歸於國家亦復何  
益所慮者既經久離鄉井安身異域宜乎首邱之念絕  
矣而一旦返回故土其中保無姦徒包藏詭謀勾連串  
務得確實情形回覆查目前以至明春正月風信

通之故乎朕意欲將去國年遠之人際不許其復還前  
諭顯然爾等惜焉莫解殊屬胸無識見  
定議後且勿具疏先行摺奏以聞  
旨然後舉行庶幾彼國情形并潛留人數俱可確知詳

細亦可斟酌定限年月則飄流之人咸得復歸故  
土矣但未奉

諭旨不敢擅專謹先繕摺請

旨如果可行臣等即行選委的當之人一面遣往一面  
再行奏

聞謹

奏

覽

雍正五年十月二十六日浙閩總督臣高其倬謹  
奏為奏

聞事竊查臺灣總兵陳倫炯操守頗好辦事亦勤安平  
協副將康陵自到任以來實能大改舊習破除情  
面辦理俱為好官但臣訪聞得二人因爭欲見長

意見不和臣正在細察其實近據康陵詳稱安平

礮臺用木為架不如改用磚石壘砌堅固經久臣

行總兵再行酌議陳倫炯以為用石臺不如用木

自當用木

架為是此等小事何難即為斷決一任屬員

爭論

架便於那移後康陵又仍以必用石砌方好陳倫

炯不已耶殊為可笑

炯仍以用木架為是彼此各執一說雖料理營伍

諸事為經久之計原不妨各出已見叅酌期於極

妥但臣細審二人之文皆中含不平之氣則其不

和是實臣現在密行勸飭務令和衷不可存絲毫

爭勝之心彼此之見應俟看伊等果能照行與否  
再行詳確奏

聞但臣思臺灣係海外要地鎮協俱武職大員若彼此  
不和則於營伍地方不但無益且更有損不於其  
細微初起之時預早調劑恐久必致貽誤臣愚昧  
之見康陵雖係福建人原是陸路水師不熟臣請  
先行調移仰乞

皇上於各省記名水師副將或叅將之中



簡放安平協副將一員將康陵不拘何處移調陸路副將似為妥協至陳倫炯雖現居官亦好然看其才具器量於臺灣尚覺任過於才臣亦乞

皇上俟

睿鑒酌有勝任之員仰祈

簡放或將陳倫炯調別處水師則仍是一好總兵抑臣更有敬

奏者臺灣總兵之任

聖心時厯

睿慮實一時未得其人臣亦於閩浙總兵副將中細看  
未見有確能勝任者臣思臺灣總兵因管有水兵  
故必於水師人員中求之但水師人員為數不廣  
得人實難又查臺鎮所轄之地皆高山平埔與內  
地陸路之邊海者無異即兵亦皆內地撥去陸路  
之兵惟安平一協是水兵有一熟諳水師之副將  
專管又有將備佐之儘可料理總兵如浙江提督

之統轄亦儘可管理其總兵之任即放陸路之員  
儘可勝任不必慣熟水師之人敢乞

皇上於各省陸路之中已做總兵一二年試有成效之

人

已有旨矣

膚鑒簡擇則人數既廣得人庶易矣為此謹

奏

既不能辯其是非曲直莫若二人並調詢良策也  
將朕所批一切訓誨之旨俱令常賚知之

同日又

奏為奏

聞事竊查今年自春夏至秋末福建海洋俱各平靜近

據南澳鎮左營守備稟報據廣東省護理守備事

千總許元報據樟林港李財生等呈稱伊等合駛

小蝦船二隻十月十三日出海採捕駛至雲蓋峙

花嶼洋面被賊數十坐蜑船將伊等二船劫坐將

蜑船舵水放回並無哨船救追駛至福建將軍澳


十四日劫大商船一隻十五日又劫一隻仍拏伊  
船中水手杜阿利一人幫他駛船將伊等放回等  
語臣當即分行各營嚴密追捕并查該管將弁揭  
叅隨准提臣藍廷珍咨稱伊曾任南澳數載彼處  
洋面甚悉雲蓋峙邊並無花嶼地方且雲蓋峙離  
福省之將軍澳有五坡之遠此時北風盛發十三  
日盜賊劫坐蝦船本日斷不能到將軍澳又於十  
四十五日劫坐商船所呈定有別情已檄行詳查

等語臣以賊劫商船無論閩粵只是竭力查拏嚴飭弁兵追捕又經續行各營嚴緝務必究出實跡茲據署銅山營叅將李燕稟稱已差密訪有廣東澄海縣外埔鄉賊夥楊阿亥等在漳林港外坐牽風船一隻出洋在澄火坡劫商船一隻等語臣又飛委幹員密往會拏所有情節臣謹繕摺奏

聞謹

奏

擒捕盜賊猶如鷹鷂之逐鳥雀何暇分別此疆彼界耶  
督令嚴緝務獲



硃批諭旨卷一百七十六之七